

Mobasa sa Basahon sa Mga Proverbio nga dunay Mainampoong Espiritu aron Makahatag Kini Kanatog Mga Bugon sa Bulawan ug Mahalong Mga Bato nga Molig-on sa Atong Kinabuhi sa Pagpursigir kang Cristo aron Matuman ang Pamatigayon sa Dios

Basahong Kasulatan: Prov. 1:1-7; Efe. 4:22-24; 6:17-18

- I. Koleksyon sa mga pulong sa mga maalamon ang Mga Proverbio (1:1-7); naghatag kinig gibug-aton sa kaalam nga nadawat sa tawo gikan sa Dios tungod sa pakigkontak niya sa Dios (itandi sa 2 Cron. 1:10-12; Col. 2:2-3; 1:28-29), ug nagtudlo niya unsaon paggawi ug pagtukod sa iyang karakter sa tawhanong kinabuhi niya (itandi sa 1:20; Gal. 6:7-8; 5:22-26):**
- A. Kay ang mga proverbio ulohanon mang kinolekta sa duha ka hari sa Juda (ni Salomon ug ni Ezequias) sa panahon sa kasugoan, maisip nga igtabang sa kasugoan ang basahon sa Mga Proverbio.
 - B. Hulagway sa Dios ang kasugoan; tungod niana, patumanon gyod niini ang katawhan sa Dios aron mahimo silang mga kopya sa Dios nga magpadayag ug maghimaya Niya—itandi sa Rom. 8:4.
 - C. Ingon nga igtabang sa kasugoan, gitudloan sa Mga Proverbio ang mga tawo unsaon paggawi ug pagtukod sa ilang kaugalingon uyon sa mga kaayo sa Dios, sa ato pa, uyon sa pagkamao sa Dios.
- II. Dunay talagsaong kinaiya ang Mga Proverbio; sa ato pa, nagpakita kini kanato sa mga pulong sa kaalam sa daghang maalamong tawo kanhi, ug nagkauyon sa pag-isip ang tanang tawo nga nagbasa niini nga maayo kini; apan makaamgo gyod unta ta nga kon unsa ang basahon sa Mga Proverbio alang nato nag-agad man kon unsang pagkatawhana ta ug unsaon nato kini pagdawat:**
- A. Kon mga tawo ta nga maayog pamatasan nga kusganog salabotan ug nagtinguha nga mahingpit isip tinuod nga mga tawong dunay moralidad, makatabang gyod nato kining basahona nga molampos sa pagpaninguha nato nga mahingpit; apan, dili kini makatabang nato nga mahimong mga tawo nga nagkinabuhi diha sa atong espiritu uyon sa Espiritu sa Dios (2 Tim. 4:22; Rom. 1:9; 2:29; 7:6; 8:4-6, 9-11, 16; 1 Cor. 16:18; 2 Cor. 2:13-14; Fil. 3:3; Gal. 5:15-17, 22-25; 6:18; Efe. 5:18; 6:18):
 - 1. Sa Daang Tugon natagbaw si Job sa iyang kaligdong, sa pagpaninguha niya sa tawhanong pagkahingpit, apan dili kana ang gusto sa Dios kaniya; nakapulhi hinuon kini sa gusto sa Dios kaniya, ug nahimo kining kaaway sa Dios, nga nag-ulang ni Job nga tawong gilalang sa Dios sa pagtuman sa tuyo sa Dios.
 - 2. Tuyo sa Dios nga mabatonan Siya ni Job aron mahimaya ang Dios, mapadayag ang Dios; ang kinalabwang pag-alagad nato sa Dios kana mang mabatonan nato ang Dios sa kinahingpitan gyod, mapuno ta sa Dios, aron magpadayag sa Dios para mahimaya Siya—Fil. 3:7-8, 12; Isa. 43:7; 1 Cor. 6:20; 10:31; itandi sa Juan 17:1.
 - 3. Ang tuyo sa paglalang sa Dios sa tawo aron man mabatonan Siya sa tawo ug mapuno kini Kaniya aron mahimong pagpadayag Niya, dili pagpadayag sa tawhanong pagkahingpit; busa, giguba sa Dios ang kalamposan ni Job

sa tawhanong pagkahingpit; unya niabot ang Dios aron ipadayag ang Iyang Kaugalingon kang Job, nagpakita nga Siya mismo gyod unta ang tinguhaon, batonan, ug ipadayag ni Job—Job 42:1-6; 10:13; Efe. 3:9; Fil. 3:14; 2 Cor. 3:18; 4:16-18.

- B. Mobasa ngani ta sa basahon sa Mga Proverbio, iliso gyod nato ang atong kaugalingon gikan sa salabotan ngadto sa espiritu pinaagi sa pag-ampo diha sa atong espiritu (Efe. 6:18; Luc. 18:1; Col. 4:2); kon mobasa ta sa Mga Proverbio sa ingon niini, matandog nato ang Pulong pinaagi sa bag-ong tawo, ug magkinabuhi ta dili sa atong natural nga tawo, sa atong daang tawo, ug sa atong kaugalingon kondili pinaagi ni Ginoong Jesus, nga mao ang atong kinabuhi ug persona nga nabuhi sa atong espiritu (2 Tim. 4:22; Juan 6:57, 63; Jer. 15:16).
- C. Dumilian gyod nato ang pag-ugmad sa kaugalingon, hukman ang pagtukod sa natural nga tawo diha sa daang kabuhatan (itandi sa Mat. 16:24; Rom. 6:6; Gal. 2:20), ug mobasa sa Mga Proverbio ingog gipanganak pag-usab nga tawo diha sa bag-ong kabuhatan (Efe. 4:22-24; 2 Cor. 4:16) nga mogamit sa atong espiritu uban sa Espiritu sa pagkontak sa pulong diha sa espiritu sa pag-ampo aron mahimong espiritu ug kinabuhi alang nato ang pulong nga naa sa Mga Proverbio (Juan 6:63; Mat. 4:4; Efe. 6:17-18).
- D. Ingon nga mga magtutuo sa Bag-ong Tugon, tuohan gyod nato nga bahin sa balaang pulong sa Balaang Kasulatan sa Dios ang Mga Proverbio; niingon ang salmista nga, “Bayawon ko ang akong mga kamot ngadto sa Imong mga sugo, nga gihigugma ko” (Sal. 119:48); ang pagbayaw sa atong kamot ngadto sa pulong sa Dios pagpaila man nga mainiton ug malipayon nato kining gidawat ug nga ni-Amen ta niini (Neh. 8:5-6).
- E. Gininhawa sa Dios ang Mga Proverbio nga hanggapon nato aron madawat nato ang sangkap sa kinabuhi gikan sa Dios; pagginhawa pagawas sa Dios ang Biblia; mobasa ngani ta sa bisan unsang versiculo pinaagi sa tanang pag-ampo, mahimong paghanggap nato sa gininhawa sa Dios kining pag-ampo-basa—2 Tim. 3:16; Efe. 6:17-18:
 - 1. Ang tanang pulong sa Mga Proverbio pagginhawa sa Dios, nga hingpit gyong gipakalawas ni Cristo; sa pagbasa nato sa Mga Proverbio, hanggapon gyod nato ang tanang giginhawa pagawas sa Dios; sa paghanggap nato sa diosnong gininhawa sa Mga Proverbio, labi natong madawat ang gininhawa sa namulong nga Dios, labi natong mapahimuslan ni Cristo—2 Tim. 3:16; Juan 20:22.
 - 2. Samtang gisugo ang mga anak sa Israel sa pagtuman sa mga sugo, mga tulumanon, ug kabalaoran, magtuman sab gyod ta karon ni Cristo; sa pagdawat kang Cristo, pagtuman kang Cristo, ug paghawid gyod nato Kaniya, mabatonan nato Siya, mapahimuslan Siya, ug makinabuhi Siya; higugmaon gyod nato si Cristo, tumanon si Cristo, itudlo si Cristo, isul-ob si Cristo, ug isulat si Cristo—Deut. 6:1, 5-9; Fil. 3:9; 1:19-21a.
 - 3. Kay pagginhawa man pagawas sa Dios ang Kasulatan (2 Tim. 3:16), hanggapon gyod nato ang Kasulatan sa pagdawat nato sa pulong sa Dios, lakip na ang basahon sa Mga Proverbio, pinaagi sa tanang pag-ampo (Efe. 6:17-18); sa magtudlo ta sa Biblia, iginhawa gyod nato ang Dios ngadto sa mga tawo.
- F. Basahon gyod nato ang Mga Proverbio nga magpapuno sa kahupnganan sa Dios diha sa atong espiritu (Efe. 5:18; 3:19); labot pa, basahon gyod nato ang Mga Proverbio diha sa Espiritu sa kinabuhi sa Bag-ong Tugon (Rom. 8:2), ginamit ang gipanganak pag-usab nga espiritu nato (v. 16), ug sagolag pag-ampo ang atong pagbasa (Efe. 6:17-18) aron masagol ang mga pulong sa espiritu ug kinabuhi (itandi sa Juan 6:63).

III. Segun sa pamatigayon sa Dios, ang dagkong proverbio, nga samag mga bugon sa bulawan, ug ang gagmayng proverbio, nga samag mahalong mga bato, dili man aron tukoron nato ang atong daang tawo; aron hinuon kini tukoron nato ang atong bag-ong tawo nga molig-on sa atong kinabuhi sa pagpur-sigir kang Cristo aron matuman ang pamatigayon sa Dios sa pagpalugwa ug pagtukod sa Lawas ni Cristo, nga mohingpit sa Bag-ong Jerusalem nga maoy tinguha sa kasingkasing sa Dios ug kinataposang tumong Niya:

A. Dawaton gyod nato ang buhi ug nagbuhat nga pulong sa Dios uban sa mainampoong espiritu aron matukod nato ang atong bag-ong tawo ug aron maila nato ang atong espiritu gikan sa atong kalag—Heb. 4:12:

1. Ang estratehiya sa kaaway pagsagol man kanunay sa atong espiritu sa atong kalag; ang kinadak-ang problema nato mao ang atong sambog; labi tang makaila sa Dios sa pagkapuno nato sa Iyang kahayag, sa Iyang presensya, labi sab natong mahalon ang kaputli kaysa gahom—Mat. 5:8; Luc. 11:34-36; Sal. 119:105, 130.
2. Ang paagi sa pagputli nianang samboga pinaagi man sa pinadayag sa Espiritu Santo; mahitabo ang pagbahin sa kalag ug sa espiritu sa dihang mohayag kanato ang pulong sa Dios, mosidlak sa atong sulod aron ipadayag ang mga hunahuna ug mga tuyo sa atong kasingkasing—36:9; 1 Ped. 2:9.
3. Patyon sa kahayag ang bisan unsang makita nato diha sa paghayag sa Dios gikan sa pulong sa Dios; ang kinadak-ang butang sa Cristohanong pagsinati mao ang pagpatay gumikan sa kahayag; ang pagkabahin sa kalag ug sa espiritu gumikan man sa paghayag—Isa. 6:1-8; Buh. 9:1-4; 13:9-10.
4. Ang pinadayag pagkakita sa nakita sa Dios; pag-abli kini sa Dios sa atong mga mata aron makita nato ang atong mga tuyo ug ang kinahiladmang mga hunahuna sa atong pagkatawo ingon sa pagkakita sa Dios niini; ibutyag na ngani sa Dios ang atong mga hunahuna ug ipakita kanato ang mga tuyo sa atong kasingkasing, mabulag, mabahin, ang atong kalag gikan sa atong espiritu.
5. Kon dili iampo-basa, koleksyon sa mga proverbio lang ang basahon sa Mga Proverbio, apan kon mainampon natong basahon ang Mga Proverbio, sa ato pa, kon iampo-basa nato ang Mga Proverbio, mahimong mga pulong sa espiritu ug kinabuhi alang nato ang tanang proverbio tungod sa pag-ampo-basa nato.

B. Dili gyod ta mobasa sa Mga Proverbio ingog tigtuman-sa-nasulat kondili matinguhaon-sa-Dios; mga tawo gyod unta ta nga nagtinguha sa Dios sa tibuok natong kasingkasing, nagtinguha sa kaluoy sa Dios sa pagpangamuyo nato sa Iyang panagway, nangamuyo sa Dios nga hayagan ta sa Iyang nawong, ug nag-gawi diha sa presensya sa Dios—Sal. 27:8; 105:4; 119:2, 10, 58, 135, 168; 2 Cor. 3:6.

IV. Tin-aw tang gisultian sa Efeso 4:22-24 nga dunay duha ka tawo ang magtutuo ni Cristo—ang daang tawo ug ang bag-ong tawo; iya ni Adam ang daang tawo tungod sa natural nga pagkahimugso nato, ug iya ni Cristo ang bag-ong tawo tungod sa bag-ong pagkahimugso, sa pag-anak pag-usab; magkinabuhi gyod ta nga maghukas sa daang tawo ug magsul-ob sa bag-ong tawo; segun sa pamatigayon sa Dios, dili gyod gamiton ang Mga Proverbio sa pag-ugmad ug pagtukod sa atong daang tawo kondili sa pag-ugmad ug pagtukod sa gipanganak pag-usab sa bag-ong tawo nato:

A. Aron makasabot pag-ayo sa tiunayng kahulogan sa basahon sa Mga Proverbio segun sa pamatigayon sa Dios, mga tawo gyod unta ta nga nagkinabuhi uyon sa

bag-ong kabuhatan (Gal. 6:15); ang daang kabuhatan mao ang daang tawo nato diha ni Adam (Efe. 4:22), ang natural nga pagkatawo nato sa pagkahimugso nato, nga walay kinabuhi ug diosnong kinaiya sa Dios; ang bag-ong kabuhatan mao ang bag-ong tawo diha ni Cristo (v. 24), ang pagkatawo nato nga gipanganak pag-usab sa Espiritu (Juan 3:6), nga dunay kinabuhi ug diosnong kinaiya sa Dios nga giumol niini (v. 36; 2 Ped. 1:4), nga si Cristo maoy inug-umol (Col. 3:10-11), ug nahimo nang bag-ong inumol.

- B. Naa sa atong espiritu ang kahibulongan, matahom kaayo, nahikay, malangkobon-sa-tanan, gipakusgan sa pito-ka-pilo, nga Espiritung taghatag-og-kinabuhi (Fil. 1:19; Bug. 4:5; 5:6; 1 Cor. 15:45; 2 Cor. 3:6; Rom. 8:16); gamiton ngani nato ang atong espiritu sa pagkontak ni Cristo nga buhing Pulong sa Dios (Juan 1:1; 5:39-40) diha sa sinulat nga pulong sa Dios (10:35), mahimo Siyang giaplikar nga pulong sa Dios ingon nga Espiritu kanato (Efe. 6:17-18); mahimo dayong espiritu ug kinabuhi kanato nga magdasig nato pag-usab ang pagbasa nato sa bisan unsang pulong sa Biblia (Juan 6:63).
- C. Ang Biblia nga basahong morag nagtudlo nato sa pag-ugmad sa kaugalingon ug pagtukod sa natural nga tawo himoon gyod natong basahon nga sa pagkatinuod puno sa kahayag, kinabuhi, espiritu, ug espirituhanong til-og sa pagdawat nato niini diha sa espiritu ug sa kahintangon sa pag-ampo; moguba kini sa atong kaugalingon, modugmok sa atong natural nga tawo, ug mosangkap nato sa nahingpit nga Espiritu sa Tulo-usang Dios.

V. Mga tawo gyod unta ta nga nahigugma sa Ginoo ug nagpursigir ni Cristo, dili sa pagkahingpit-sa-kaugalingon (itandi sa Fil. 3:3-14), ug nahigugma sa pulong sa Ginoo sa tibuok Biblia ug mobasa niini nga dunay mainampoong espiritu, dili magtinguha sa doktrina sa mga letra kondili magtinguha hinuon sa Espiritu ug sa pulong sa kinabuhi (itandi sa Juan 5:39-40; 2 Cor. 3:6); basahon gyod nato ang Mga Proverbio nga dili magtinguhag tabang nga iugmad sa kaugalingon kondili sa igtil-og hinuon sa atong espiritu aron makakinabuhi ta sa Cristohanong kinabuhi nga hingpit sa diosnong maayong kagawian, nga mga pagpadayag sa diosnong mga kaayo (Gal. 5:22-23; Mat. 5:5-9).